

## S A M Þ Y K K T I R

### fyrir Sparisjóð Arnarnesshrepps.

#### 1. gr.

Sjóðurinn heitir Sparisjóður Arnarnesshrepps og er eign Arnarnesshrepps. Heimili hans og varnarþing er Arnarnesshreppur.

#### 2. gr.

Trygging fyrir innstæðufé og öðrum kröfum á sjóðinn er varasjóður sparisjóðsins og aðrar eigur hans. Þá ábyrgist Arnarnesshreppur skuldbindingar sparisjóðsins, allt að kr. 15000.00, næst á eftir nefndum tryggingum.

#### 3. gr.

Sparisjóðurinn starfar sem sjálfstæð stofnun með sérskildum fjárhag og leggst ágóði sá, sem kann að verða á rekstri hans, í varasjóð. Þegar landslög leyfa og ástæður eru til, má verja fé úr varasjóði til menningarmála og nytsemdarfyrirtækja í Arnarnesshreppi, enda sé það samþykkt með  $\frac{1}{2}$  atkvæða fulltrúaráðsmanna, enda komi samþykki ráðuneytisins til.

Hætti sparisjóðurinn starfrækslu skal verja eigum hans á sama hátt.

#### 4. gr.

Á almennum hreppsfundi skulu kosnir 12 sparisjóðsfulltrúar til fjöggra ára í senn og skulu þeir kosnir hlutfallskosningu, ef óskað er. Gilda sömu reglur um kosningu þessa og hlutfallskosningu í sveitastjórnarmálum. Fulltrúaráðið tekur til starfa um næstu áramót eftir að það var kosið.

#### 5. gr.

Fulltrúaráðið heldur með sér fund fyrir febrúarmánaðarlok ár hvert. Er hann lögmaður, ef helmingur fulltrúa mætir, en samþykktir allar gildar sem ná meiri hluta atkvæða, samanber þó niðurlag greinarinnar.

Á fundi þessum skal ræða málefni sparisjóðsins og taka um þau ákvörðun. Jafnan skal þar lagður fram endurskoðaður reikningur sparisjóðsins fyrir umliðið almanaksár, til samþykktar, kosin þriggja manna stjórn og einn varastjórnarnefndarmaður, ákveðnir inn- og útlánsvextir í samræmi við gildandi lög og laun starfsmanna. Enn fremur má þar breyta samþykktum sjóðsins, ef nauðsyn krefur. — Breytingar á samþykktum sjóðsins ná þó ekki gildi fyrr en þær hafa verið samþykktar á almennum hreppsfundi og staðfestar af ráðuneytinu.

#### 6. gr.

Stjórnin kýs sér formann, ræður starfsmenn sjóðsins og setur þeim starfsreglur, sér um að bókhald sé glögg og í samræmi við gildandi fyrirmæli, og fjárreiður sparisjóðsins alltaf í góðu lagi.

Deyi stjórnarnefndarmaður eða flytji burt úr hreppnum tekur varamaður sæti hans.

Stjórn eða starfsmenn mega ekki taka lán úr sjóðnum eða ábyrgjast þau fyrir aðra.

#### 7. gr.

Sparisjóðurinn tekur á móti innlánsfé og ávaxtar það, þó aldrei hærrí upp-hæð frá einstökum mönnum en fimm þúsund krónur. Vextir greiðast frá innleggs-degi og færast í viðskiptabækur um hver áramót.

Nýir innleggjendur fá löggilta viðskiptabók, með númeri og nafni, fyrir sann- 80  
gjarnt verð, þegar þeir byrja viðskiptin. Skila skulu þeir bókinni þegar hún er 10. apríl  
útskrifuð og fá þeir þá nýja bók ókeypis, ef þeir halda áfram viðskiptum. Þegar  
viðskiptum er lokið, verður bókin ógilt og eign sparisjóðsins.

Sparisjóðurinn áskilur sér rétt til að neita að taka á móti innstæðufé, svo og  
að segja því upp til útborgunar, en það skal jafnan gert með ábyrgðarbréfi. Hefur  
stjórn sparisjóðsins um þetta úrskurðarvald.

Innstæðufé á sparisjóðsbókum skal greiða þá er viðskiptabók er framvísað,  
og er það ekki á ábyrgð sparisjóðsins þó handhafi bókarinnar hafi ekki haft leyfi  
eiganda hennar, sbr. þó síðustu málsgrein 10. gr. laga nr. 69 1941.

Sparisjóðurinn er þó ekki skyldur að greiða hærri upphæð í einu en 500 krónur,  
nema henni sé sagt upp með tveggja mánaða fyrirvara.

#### 8. gr.

Sparisjóðurinn lánar fé gegn vöxtum og góðum tryggingum. Vextir greiðast  
fyrir fram af víxlum, en í október af öðrum lánnum, fyrir hvert yfirstandandi  
almanaksár. Dragist vaxtagreiðsla fram yfir áramót, falla dráttarvextir á van-  
skilavextina, 1% fyrir hvern þyrjaðan mánuð.

#### 9. gr.

Kvittanir og aðrar yfirlýsingar, sem gefnar eru út í nafni sparisjóðsins, af for-  
manni hans eða féhirði, eru skuldbindandi fyrir sjóðinn gagnvart viðskiptamön-  
num hans.

#### 10. gr.

Upplýsingar um innstæður viðskiptamanna verða ekki gefnar óviðkomandi,  
nema skylt sé að lögum.

#### 11. gr.

Um þau atriði, sem ekki eru tæmandi ákvæði í samþykktum þessum, fer sem  
fyrir er mælt í gildandi landslögum og reglugerðum um sparisjóði, eins og þau  
og þær verða á hverjum tíma. Skulu lög þessi og reglugerðir jafnan liggja á skrif-  
stofu sparisjóðsins til athugunar.

#### 12. gr.

Fundargerðir um sparisjóðsmál, svo og ársreikning sparisjóðsins o. fl., skal  
jafnan innfæra í gerðabók sparisjóðsins. Ársreikning sparisjóðsins ber að lesa  
upp á almennum hreppsfundi ár hvert.

Samþykktir þessar voru staðfestar á aðalfundi Sparisjóðs Arnarnesshrepps  
25. jan. 1943 og á almennum hreppsfundi í Arnarnesshreppi 20. febr. 1943.

Framanritaðar samþykktir staðfestast hér með.

*Viðskiptamálaráðuneytið, 10. apríl 1943.*

**Björn Ólafsson.**

*Torfi Jóhannsson.*